

ALŽIR

10 dana / 9 noćenja

Zemlja rimskih gradova, mediteranske obale i čarobne Sahare

TERMIN PUTOVANJA: 16. 3. - 25. 3. 2027.

Alžir je najveća država Afrike i jedna od posljednjih neotkrivenih turističkih destinacija Mediterana. Na ovom putovanju upoznat ćemo bogatu rimsku baštinu, osmanske gradove, veličanstvene viseće mostove Konstantina, autentične oaze Sahare i tri lokaliteta koja se nalaze na UNESCO-voj listi svjetske baštine.

1. DAN - 16. 3. 2027. | SARAJEVO - ALŽIR

Sastanak putnika na aerodromu u Sarajevu i let prema Alžiru. Po dolasku slijede pasoška kontrola, susret s lokalnim vodičem i transfer do hotela. Slijede smještaj u hotel i slobodno vrijeme za odmor. Noćenje u Alžiru.

2. DAN - 17. 3. 2027. | ALŽIR

Nakon doručka odlazimo u razgledanje glavnog grada. Posjetit ćemo staru Kasbu (izgovor: KAS-ba), historijsko srce grada koje se nalazi na UNESCO-voj listi svjetske baštine. Šetnja uskim ulicama između bijelih kuća, starih palača i tradicionalnih radionica vraća nas nekoliko vijekova unazad. Nastavljamo prema prekrasnoj osmanskoj palači Palais des Raïs (izgovor: Pale de Re), a zatim obilazimo monumentalni spomenik Makam El Chahid (izgovor: Ma-kam El Ša-hid), simbol borbe za nezavisnost Alžira. Posjećujemo i jednu od najvećih džamija na svijetu - Djamaa El Djazair (izgovor: Džama El Džazair), impresivno arhitektonsko zdanje koje dominira obalom Mediterana. Dan završavamo panoramskom vožnjom uz more. Noćenje u Alžiru.

3. DAN - 18. 3. 2027. | ALŽIR - TIPAZA - KONSTANTIN

Nakon doručka odlazimo prema Tipazi (izgovor: Ti-PA-za), jednom od najljepših rimskih arheoloških lokaliteta na Mediteranu. Slijedi razgled ostataka rimskih hramova, bazilika, amfiteatra i antičkih ulica koje se nalaze tik uz morsku obalu. Nakon obilaska nastavljamo vožnju prema Konstantinu, gradu koji se spektakularno uzdiže iznad dubokih kanjona. Smještaj u hotel. Noćenje u Konstantinu.

4. DAN - 19. 3. 2027. | KONSTANTIN - GRAD MOSTOVA

Nakon doručka slijedi obilazak jednog od najljepših gradova Alžira. Posjećujemo veličanstvenu Džamiju Emira Abdelkadera, raskošnu Palatu Ahmeda Beya, Nacionalni muzej Cirta (izgovor: CIR-ta) te poznate viseće mostove iznad klanca rijeke Rhumel (izgovor: Ru-MEL), po kojima je Konstantin poznat širom svijeta. Obilazak završavamo posjetom četvrti Bardo, gdje ćemo upoznati tradicionalnu izradu bakrenih rukotvorina. Noćenje u Konstantinu.

5. DAN - 20. 3. 2027. | DŽEMILA (izgovor: Dže-MI-la)

Poslije doručka odlazimo na cjelodnevni izlet u Džemilu, jedan od najbolje očuvanih rimskih gradova u Africi, koji se nalazi na UNESCO-voj listi svjetske baštine. Tokom razgleda vidjet ćemo forum, rimske hramove, bazilike, pozorište, mozaike i ostatke antičkog grada koji već skoro dvije hiljade godina odolijeva vremenu. Povratak u Konstantin. Noćenje u Konstantinu.

6. DAN - 21. 3. 2027. | KONSTANTIN - BOUSAADA

Nakon doručka nastavljamo putovanje prema Bousaadi (izgovor: Bu-sa-A-da), gradu poznatom kao „Vrata Sahare“. Po dolasku posjećujemo tradicionalnu radionicu proizvodnje čuvenog lokalnog bijelog sira. Slijedi šetnja kroz Souk Sinaâiya (izgovor: Suk Si-na-A-ja), živopisnu tržnicu rukotvorina, gdje ćemo imati priliku kupiti tepihe, keramiku, nakit i brojne autentične proizvode, te obilazak starog dijela grada i džamije. U večernjim satima očekuje nas tradicionalna večera mechoui (izgovor: me-ŠUI), specijalitet od sporo pečene janjetine. Noćenje u Bousaadi.

7. DAN - 22. 3. 2027. | BOUSAADA - GHARDAÏA

Nakon doručka odlazimo prema Ghardaïji (izgovor: Gar-DA-ja). Slijedi obilazak doline M'Zab (izgovor: M-zab), jedinstvenog UNESCO lokaliteta koji čini pet utvrđenih gradova usred Sahare. Posjećujemo grad Beni Isguen (izgovor: Be-ni Iz-GEN), poznat po tradicionalnoj arhitekturi, uskim ulicama i viševjekovnim običajima stanovnika. Smještaj. Noćenje u Ghardaïji.

8. DAN - 23. 3. 2027. | SAHARA

Nakon doručka odlazimo u područje Sebseb (izgovor: Seb-SEB). Dan provodimo u srcu najveće pustinje svijeta. Slobodno vrijeme za vožnju quadovima (fakultativno), fotografisanje i uživanje u jedinstvenim pejzažima Sahare. Predvečer ćemo dočekati jedan od najljepših zalazaka sunca nad pustinjskim dinama. Povratak u hotel. Noćenje u Ghardaïji.

9. DAN - 24. 3. 2027. | GHARDAĬA - ALŽIR

Transfer do aerodroma i domaći let za Alžir. Po dolasku slobodno vrijeme za posljednju šetnju gradom, kupovinu suvenira ili uživanje u mediteranskoj atmosferi glavnog grada. Noćenje u Alžiru.

10. DAN - 25. 3. 2027. | ALŽIR - SARAJEVO

Nakon doručka odjava iz hotela. Transfer do aerodroma i let prema Sarajevu. Dolazak kući uz pregršt nezaboravnih uspomena iz zemlje u kojoj se susreću Mediteran, rimska historija i beskrajna Sahara.

CIJENA ARANŽMANA: 3.200 KM PO OSOBI

na bazi najmanje 20 putnika

U cijenu je uključeno

- Međunarodna aviokarta Sarajevo – Alžir – Sarajevo
- 9 noćenja s doručkom
- Smještaj u dvokrevetnim i trokrevetnim sobama
- Transferi od i do aerodroma
- Prijevoz privatnim klimatiziranim autobusom tokom cijelog putovanja
- Domaći let Ghardaïa – Alžir
- Ulaznice za sve lokalitete predviđene programom
- Lokalni vodič na engleskom jeziku tokom cijelog putovanja
- Tradicionalna večera mechoui u Bousaadi
- Pratilac putovanja ispred agencije
- Organizacija putovanja

U cijenu nije uključeno

- ✗ Viza za Alžir
- ✗ Ručkovi i večere (osim tradicionalne večere u Bousaadi)
- ✗ Putno zdravstveno osiguranje
- ✗ Doplata za jednokrevetnu sobu
- ✗ Fakultativni sadržaji (quadovi u Sahari i slično)
- ✗ Lični troškovi i napojnice